

瘟

疫

明

辨

瘟疫明辨卷之二

表症

發熱

時疫發熱與風寒雜症同。其發熱時氣色神脈舌胎則不同。辨得為時疫發熱。又當知有淺深表裏之異。不辨無以施治。發熱表症居多。亦有裏症發熱半表半裏發熱。餘邪不盡。復出於表發熱。抑退正虛發熱。而表症發熱。脉不浮不沉而數。寸大於關尺。熱在皮膚。捫之烙手。久按反輕。必兼頭痛項強腰痛胫酸。或頭面身體皮膚。

有紅腫癟痛。諸症不必全現。有一於此。便是表症發熱。
九味羌活湯。人參敗毒散。六神通解散選用。冬月嚴寒。
及惡寒甚者。大青龍湯。葛根湯。越婢湯。陽旦湯。可借用。
全不惡寒者。白虎湯。黃芩湯。可加減用。裏症發熱。脉或
滑。或沉數。或洪滑。關尺盛於寸。熱必在肌肉筋骨。初押
熱輕。久按熱甚。必煩渴。胸腹滿。大便或不通。或自利。
或便血及膿。小便黃赤。或癲狂。諸症雖不必全現。
必薰二三症。方是裏症發熱。梔子豉湯。黃連解毒湯。小
陷胸湯。三承氣湯。導赤瀉心湯。猪苓湯。天水散選用。半

表半裏兼熱。脉多弦。胸脇滿。或熱或止。或口苦咽乾。目眩耳聾。或目赤。或喜嘔心煩。或兼見表裏症。達原飲。柴葛解肌湯。小柴胡湯選用。時疫初熱時。用藥最要清楚。此處頭緒不差。後傳變多危。救援少易。不然難於收拾矣。凡見發熱。即當辨其氣色神脈舌胎。為風寒為時疫。係時疫。又當辨在表在裏。在半表半裏。然時疫見症。純表純裏者少。表裏夾雜者多。表裏夾雜。吳氏達原飲為主。表症多。加羌活。裡症多。加大黃。半表半裏症多。加柴葛根淡豉。或表裏症均見。則諸藥全用。即三消飲。取

效最多。誠時疫主劑。至已愈數日。而復發熱者。乃葛根。原
伏有不盡之邪。復出於表。當察其證之寒。裏多寡。以前
法治之。大抵愈後復發。則裡熱也。而表熱少。雖有當用
表藥之症。不過葛根柴胡淡豉而已。無更用羌活之理。
愈後另受風寒。發熱無汗。舌上無胎者。不在此例。時
疫發後。復熱無汗。重用葛根五錢最妙。以其性涼而解
肌發汗。既不得無汗之表。又不碍煩熱之裏。更有平素
虛弱。或老人。或大病後復染時疾。屢經汗下清解。其熱
時止。或全無表裏實證。或六脈豁然空。或較初起洪

滑更甚。或用表藥而身痛更甚。或屢用清熱藥而煩躁沉昏更甚。或屢用下藥而舌燥更甚。此皆邪退正虛之發熱也。王太僕所謂大虛有盛候。反瀉舍冤也。此時須略去證狀。而消息陰陽虛實。陰虛則熱渴枯竭之症多。責在腎。宜六味地黃湯。兼氣虛合生脈散。須大作湯液。晝夜頻進。效始捷。陽虛則嘔利悸眩之症多。責在脾。宜六君子湯。兼陰虛歸脾湯。參胡王白散。清燥湯選用。若遇此等症。仍用汗下涼解宣伐。斷無生理矣。又發熱之為表為裏。為半表半裏。為復為虛。症狀明顯有據者。自

易施治。若脈症夾雜模糊。難於分辨者。須以舌胎為據。初起舌胎薄白。或無胎而潤。屬在表。白胎而厚。或兼微黃。或中黃邊白。中黃尖白。或二三色。屬在半表半裏。黃胎。青色胎。黑胎。屬裏。舌胎燥。則不論何色。皆屬裏症。屢一經汗下後。舌胎潤而發熱者。屬陽虛。無胎而燥者。屬陰虛。發熱之表裏虛實。依此辨之。思過半矣。惟虛証發熱。反似實症。即舌胎亦難憑據。又當從病之來路探討。若屢經汗下宣伐。而熱愈甚者。從虛治無疑。或雖經汗下。其熱漸減。藥有效。則仍屬餘邪未盡。不可遽補。致邪熱。

內寒大人年壽似此虛實關頭不可不細心體認也。

以上辨表裏虛實諸法雖指發熱時言然類而推之凡症皆可依此為辨惟在學者之善悟耳。

惡寒

疫惡寒與風寒暑濕諸症不同。諸症惡寒無時而勢不甚。時疫惡寒有時而勢甚。惡寒之後必見發熱。時自熱而不覺寒。時自寒而不覺熱。非若諸症惡寒發熱互相兼也。時疫惡寒傳裏之後少在表之時多。而辨氣色神脈舌胎與發熱同。但有淺深虛實之異。邪淺而

在表者。惡寒之時。少於發熱。治法方藥。同於發熱。而以解表為主。邪在半表半裏者。寒熱往來如瘡狀。治法方藥亦同發熱。邪深入裏。失於攻下。而熱深厥深。反欲權被向火。惡寒而不發熱。或熱亦微。甚則四肢反厥。此雖惡寒。實非寒也。乃陽氣為邪所鬱。而不通。以通鬱為主。達原飲。大柴胡湯。三承氣湯選用。使裏氣通。而鬱陽發。反大熱。而煩渴也。此證在惡寒時。最難辨其為熱。須於九竅察之。如目大小皆赤。臭孔乾唇紅。舌胎黃黑燥。耳鳴或聾。小便黃赤澀痛。大便燥結。或稀黃極臭。或鮮色。

或心下至少腹。有痛不可按處。此皆熱深陽鬱之象。大抵周身皆見冷症。一二處獨見熱症。反當以熱症為主。反之亦然。乃辨寒熱真假之機要也。余所見時疫不下數千。裏症惡寒者。百中一二。即四肢厥逆。爪甲青紫。証與所苦。亦不惡寒。此可得其槩矣。至若本係時疫熱症。固其人平素虛損衰老。及大病之後。用攻伐寒涼太過。至汗出不止。嘔利俱作。四肢微厥。六脈細濡而惡寒。為陽虛。乃攻伐太過所致。當以參耆苓木為主。寸口脉微者。佐以升麻。尺脉微者。佐以桂附。須知雖屬陽虛。却從

熱症來。而陰必虧。桂附亦不可過用。當佐以護陰藥為妙。如白芍。麥冬。五味之類。此症溫補略緩。及溫補不到。必死。或過用溫補。陽雖回。而陰竭。亦死。此處不可不斟酌。至當。又有宣伐太過。而成虛症之惡寒。寒涼太早。而成實症之惡寒。以疫邪方伏於募原。未經傳變之時。胸膈必多痰滯。有見其煩躁。而遽用知膏芩連者。有因其作渴。而遽用生地麥冬者。有病者自認火症。而恣啖冷。水西瓜梨。芥太早者。皆能抑鬱陽氣。閉邪熱。遇於中下二焦。冷物停痰滯於上焦。每多見惡寒症。遇此惟

以宣導痰滯為主。痰滯通，則惡寒自止。不可過溫致滯。
焦瘀熱畜血斑黃呃逆而死。不可清涼致胸腹痞滿而
危。宜用草果。厚朴。枳榔。木香。半夏。蒼朮。茱萸。苓。澤瀉。導痰
開滯逐水。痰滯水去，則惡寒止。而熱症見隨其傳變。以
施涼解攻利之劑。乃有效也。此法特救藥誤。非治正病
耳。總之風寒以惡寒為重。時疫以惡寒為輕。多有初起
惡寒一二日不治。邪氣傳變。而惡寒自己者。與其誤治。
毋寧俟之。若誤認惡寒為真寒。用辛溫之藥發散。未有
不增其病勢者也。

寒熱往來。

寒熱往來。與發熱惡寒異。發熱惡寒。一時並至。寒熱往來。寒已方熱。已方寒。亦與瘧不同。瘧發有時。寒熱長短有定。此則寒熱無時。長短無定。雖不同於瘧。而邪俱在少陽半表半裏之間。在傳變之初。是由輕入重。始則寒熱往來。繼則熱多寒少。再則但熱不寒。至晝夜壯熱。誠妄煩渴畢現。在傳變之後。是由重出輕。晝夜壯熱漸減。而為發熱。有時而止。又減而為寒熱往來。又減而為微汗。至脉靜身涼而愈。夫疫邪自裏出表者輕。自表入

裏者重。初起寒熱往來。是自表入裏犯及少陽。裏氣與邪相爭拒。繼則邪深入裏。表裏併而為熱。晝夜壯熱。而勢日重。既傳變之後。而寒熱往來。是邪氣向裏。正氣來復。自裏出表。經過少陽。前之晝夜壯熱。邪氣東絪者。至此正氣漸和。而寒熱有時矣。前之邪陽獨盛。亢極無陰。作純熱者。至此則陰氣來復。而寒熱相爭矣。前之邪併表裏。而熱渴日加者。至此則裏氣逐出表邪。而作戰汗矣。治法於未傳變之先。欲由表入裏時。但透達其邪。使易傳化為主。達原飲是也。於傳變之後。欲自裏出表時。

以和解為主。小柴胡湯是也。於屢經汗下之餘。脉或虛微濡弱。結代。心或悸動。神或委倦。形或羸弱過甚。當養陰益氣。助正却邪為主。參胡三白湯。炙甘草湯。清燥養榮湯。補中益氣湯是也。

頭痛

時疫頭痛與風寒不同。風寒是寒束於上部。中下無邪。上逆。頭雖甚痛。而不昏悶。時疫是熱蒸於上部。中魚邪犯上焦。頭不甚痛而昏悶。所謂卓然而痛者是也。驗得氣色神脈。若眩。為時疫頭痛。而又有來去之分。初起頭

漏。腦後顛頂目珠略甚。舌胎白而發熱者。太陽頭漏。
羌活川芎為主。淡豉酒芩知母生地為輔。額頤脹漏。目
痛鼻孔乾。舌胎白而微黃。煩熱而渴者。陽明頭漏也。葛
根為主。淡豉石膏為輔。兩額角痛。眉稜骨痛。寒熱往來。
口苦咽乾。舌胎中黃邊白。或中段黃。尖上白。少陽頭漏
也。紫胡荊芥川芎為主。酒芩石膏為輔。頭痛而三陽症
悉具者。吳氏三消飲為主。時疫頭痛。耑見一經症者少。
襟見二三經症者多。此方尤為多效。頭痛甚者。加淡豉
芩防。清其頭目。頭痛舌胎黃。心下滿。蒸蒸發熱者。陽明

裡症也。三黄石膏湯。小承氣湯。大柴胡湯。防風通聖散。
選用。舌胎黃。或半截或傍邊有一塊白。胸滿而嘔。頭痛。
薰眩者。瘧厥頭痛也。前胡為主。半夏。萊菔子。枳橘。山楂。
麥芽為輔。兼頰熱者。加大黃枳實。汗下清解後。頭痛心
悸。四物湯去川芎。加丹皮知母。黃柏。或歸脾湯。逍遙散。
并加生地棗仁。凡頭痛見症混雜。難分表裏者。擇以舌
胎辨之。

頭眩

時疫頭眩有三。其一風熱頭眩。乃時疫本病。寸口脉多

浮而發熱。荆防芎薄天麻為主。黃芩為輔。煩渴加石膏。
其一痰水頭眩。乃時疫兼症。脈沉而弦滑。兼嘔。胸膈滿
悸動。前胡為主。半夏茯苓枳橘膽星萊菔蘇子為輔。然
必視時疫大勢。屬表屬裏。於應用本方中。加此數味可
也。其一虛症頭眩。乃時疫變症。多見於汗下清解後。或
素有怯證者。如上虛。寸口脉不及閏尺。多汗。少氣。不足
以息。心悸。參耆為主。中虛。閏脉不及寸尺。多從嘔利太
過而來。不思食。苓朮為主。下虛。尺脉不及寸閏。腰膝痠
軟。二便清滑。六味地黃為主。三虛皆可加天麻。或虛證

已見。仍夾有邪疫燥熱。則不妨兼用清熱之品。或補後
酥氣稍實。再為清解亦可。大抵時疫頭眩。多屬熱少屬
虛。治須斟酌。若傷寒亡陽頭眩。又當遵仲景法治之。

頭脹

時疫頭脹者。乃胃熱上蒸也。下之則愈。兼表者。防風通
聖散。大柴胡湯。吳氏三消飲。無表症者。三承氣選用。病
後虛脹。與頭眩參看。

頭重

時疫頭重者。溼熱上壅也。於清涼解表藥中。加蒼朮。或

利水藥。病後虛重。亦與頭眩參看。又有表裏無病。只有頭中者。其目必黃。當遵仲景法。用瓜蒂散。搐臭。出黃水。即愈。

目 脹

時疫目珠脹者。陽明經病也。兼表症。葛根葱白湯。加石膏。若胸滿。舌有黃胎。宿食也。蓋食壅陽明。其肺不下行。而上逆。故目珠脹。宜平胃散。加山楂。麥芽。枳殼。消導之。則愈。至屢經清解。而目珠脹痛不愈者。當消息其肝臟。以養陰滋血。和肝之法治之。如再不愈。則當進而滋腎。

附錄卷之二
方乙癸同源之治也。

項強酸

時疫初起，項強酸，並發熱，乃邪越於太陽經也。羌活為主。狂躁正盛而項強者，熱壅其經脈也。石膏黃芩為主。屢經汗下，發熱已退而復項強者，血燥而筋無養也。四物六味為主。外此若傷寒發瘻之項強，止陽漏風之項強，則又有仲景之法在。

背漏酸

時疫初起，背痛兼發熱者，邪浮於太陽也。羌活為主。背

滿而脹。兼胸脇脹者。邪客募原也。草果厚朴檳榔茱萸
子大腹皮為主。屢紓汗下後。發熱已退。背痛不止者。經
脈血亡也。六味生脈四物為主。又有平素勞倦內傷。而
背痛在膏肓二穴者。當於東垣內傷諸論察之。

腰痛酸

時疫初起。腰痛兼發熱者。太陽受病也。獨沽為主。兼脹
者。氣滯也。加檳榔。兼重者。夾溼也。加蒼朮。牽引少腹及
兩肋者。氣滯血瘀也。加青皮烏藥赤芍元胡。兼理氣血。
疏通腎肝。此皆初起實症治法。又有即夾腎虛陰傷者。

腰痛獨甚於周身。兼酸痿無力。若尺脈無力。後來傳變必危。當於初起在表時。加人參知母生地。預顧其陰。則危殆差減。若徒用伐邪之品。邪之深入者未必去。而陰液大傷。則沉昏舌黑。直視失尿。諸症見。陰傷氣脫。則厥逆症見。蓋腰乃腎府。為先天根本。腰痛則腎虛。不可不察。要知此時疫初起。腰痛尚有虛實之分。若汗下後。而見腰痛。其為腎虛。不待言矣。宜六味四物。不可疏通。

膝痛酸

時疫初起。膝痛發熱者。邪在太陽經也。獨活梢榔牛膝

篇主。兼軟者，溼甚也。蒼朮為主，然此特太陽之一症。初起以解表邪大勢為先，膝痛專藥一二味而已。若經汗下，表邪大勢已解，則當察其邪氣之有無。正氣之虛實。專治下部，不然，恐致殘廢。倘餘邪不盡留於下部，則仍有熱症。如骨蒸，小便黃赤，以黃柏苡仁清濕熱，檳榔木通；壅滯筋掣，則秦艽木瓜。筋緩，則蒼朮防己。紅腫，則赤芍丹皮續斷芎歸。若無餘邪，見心悸二便頻數，尺脉虛小，則當以補腎為急。六味加牛膝枸杞知柏，滋益陰精。

胫腿痛酸

時疫初起，胫痛酸者，太陽經脉之鬱也。獨活為主，兼繫者治在筋。加秦艽木瓜，兼腫者治在肉。加木通赤芍檳榔，兼軟者屬溼溫。俗名軟脚溫，往往一二日即死。宜白虎加荅朮湯，或荅朮黃柏。此與膝痛頗同。未經汙下，則解表之大勢加一二味胫痛藥。表症已解，惟留此症，當專治之。若屢經汙下而見虛症，亦以補腎為主。

足痛

時疫初起足痛，有因素有脚氣癟疾者。但治時疫，於解

表裏中微加檳榔木通。若已經汗下，表裡俱平，而足痛不止，則消息其腎家虛實，同膝胫痛法治之。

肩臂痛酸

時疫初起，肩臂痛酸者，手太陽經脈受邪也。解表，則痛自己。經汗下後，而肩臂痛者，有經隧阻滯，血脈空虛之別。經隧阻滯者，脉多有力，證多熱渴，以清熱活血為主。黃芩、赤芍、歸尾、紅花之類。血脈空虛者，證多瘦困，脉多芤濶，養血益氣為主。四物合參芪之類。

腕痛

時疫初起。晚痛者。乃風淫末疾也。初起解表。汗下後。益氣養血。與肩臂痛同治。

周身骨節酸痛

項背腰膝胫足肩臂諸痛。已列於前。則周身之酸痛備矣。茲復列周身骨節酸痛者。以痛在一處。邪有尙注痛在周身。邪有分布也。專注之邪。須通其凝泣。分布之邪。須解其縛束。故治周身酸痛。疏表其大法也。而酸與痛。亦有別。酸輕而淺。痛重而深。酸痛與拘攣又有別。酸痛運動如常。拘攣屈伸不利。酸痛病在營衛。拘攣病在筋

脉乍酸痛拘攣。又有上下淺深前後之不同。在身半以上。為末疾。淺而易解。在身半以下。為本病。深而難祛。合上下之酸痛拘攣。在未經汗下。與已經汗下者。又有別。才經汗下。屬邪感。宜宣伐。已經汗下。屬正虛。宜調補。明於此。則酸痛在周身。在一處。按症施治。無不當矣。解表諸方。人參敗毒散。九味羌活湯。六神通解散。大羌活湯。

身重

時疫初起。發熱身重者。溼勝於熱也。蒼朮為主。二三日。至四五日。傳變之後。汗出更熱。而身重者。熱壅其經脈。

也。白虎湯為主。傳裏表無熱。而舌燥便祕。腹痛拒按。而身重者。內結而氣不達於表也。三承氣為主。屢經汗下。表熱已退。身重不可移動。脈虛散而無根。舌上無胎。二便自通者。陰陽兩亡。經脈枯竭也。審其陰陽偏勝而治之。偏於正陰。多燥症。六味合四物為主。偏於正陽。多脾腎症。六君合生脉為主。陰陽俱竭。生脉合六味為主。

自汗

疫癆。自內蒸出於表。初起作寒熱時。多自汗。甚至淋漓不正。不可以表虛論。兼頭痛身痛。仍以解表為主。羌獨

紫葛之類。兼煩渴。宜清陽明之熱為主。白虎之類。有熱有結。破結為主。陷胸三承氣之類。若屢經汗下。邪已全退。脈虛而舌無胎。二便清利如常。內外無熱症。方可從虛。敘汗。蓋以時疫得汗為邪有出路。而宜敘汗者。恒少也。

盜汗

時疫初起。盜汗者邪在半表半裏也。胸脇痞悶。達原飲無痞悶。小柴胡湯汗下後。大熱已退。有盜汗者。餘邪不盡也。小承氣。小陷胸。吳氏承氣養榮湯諸方。清其伏匪。

餘邪盜汗自止

戰汗

時疫不論初起傳變末後俱以戰汗為佳兆以戰則邪正相爭汗則正逐邪出然有透與不透之分。凡透者汗必淋漓汗後身涼口不渴舌胎澤二便清胸腹脇無阻滯結癟始為全解之戰汗否則餘邪未淨而復熱則有再作戰汗而解者有戰汗須三四次而後解者有戰汗一次不能戰汗待屢下而退者有不能再作戰汗即加沉因而死者總視其本氣之強弱何如耳。凡戰汗之時

不可服藥補則戰止而汗不透。留邪為患汗下，則太過而成虛脫。應聽戰汗透徹，再觀脈症施治。當戰時，或多與熱湯飲之。助其作汗，戰汗之時，脉多停止，勿訝。待戰汗之後，脉自見也。大抵戰汗之脉，以浮為佳。邪出於表也。虛散微濡，應有變。煎獨參湯以待之。防其脫也。貧者米飲聊代之。然必察其戰後，係邪淨而氣欲脫，方可用。凡戰汗後，神靜者吉。昏躁者危。氣細者吉。氣粗而短者危。舌痿不能言者死。目眶陷者死。目轉運者死。戴眼反折者死。形體不仁，水漿不下者死。戰汗雖為佳兆，亦有

吉凶得戰汗固由治得其宜。邪退正復而致然不可強也。嘗見服大發汗藥。毫不得汗。而飲冷水得汗者。又有用下藥得戰汗者。涼血活血得戰汗者。生津益氣得戰汗者。種種不一。當知戰汗乃陰陽交和表裏通達自然而然。非可強致也。

狂汗

時疫臨解。有忽手舞足蹈。躡床投榻。而後作汗者。最為駭人。然須驗其是否作汗。作汗之脈。浮而緩。浮為邪。還於表。緩則胃氣自和。待汗透自愈。脉若浮洪。浮數。浮滑。

浮散雖有汗亦為發狂非作汗也。

頭暉

時疫頭暉乃風熱壅於上部太陽之經脉鬱滯顛頂。俗名大頭傷寒當視表裏輕重加輕清疏風之品以散其暉。荆防薄荷蟬退川芎蔓荆菊花之類如發熱舌胎白表重於裏也合表藥用九味羌活湯人參敗毒散是也。如煩渴舌胎黃者裡重於表也合裏藥用三消飲涼膈散大柴胡湯調胃承氣湯是也古有用三稜鍼刺出惡血法亦可用至發癰膿者不在此例。

面腫

時疫面腫。風熱溢於上部。陽明之經脈被鬱也。赤腫者方是。治以白芷防風葛根石膏散。其風熱。視表裡之輕重。合頭腫保內諸方。加減用之。若黃腫。乃水氣也。當從水腫治之。

頸項腫

時疫頸項腫。乃陽明風熱。俗名捻頭溫。又名豎幕溫。當按頭腫條內表裏諸方。加葛根桔梗牛蒡防風玄參。癰癰發頭。不在此例。

耳有腫

時疫耳有腫，乃少陽風熱也。俗名黃耳傷寒，小紫胡湯加荆防芍芍元參，亦當與頭腫參看。

胸紅腫

時疫胷前一片紅腫，粟起似癩疹，風熱也。俗名赤膈傷寒，亦於頭面諸係。表裏方中加荆防連翹、赤芍、牛蒡土貝。

周身紅腫

時疫周身紅腫，風熱溢於皮膚也。用羌獨升紫葛芷疏

其皮膚之毛竅。石膏黃芩梔子連翹。清其肌肉之熱。赤芍歸尾紅花生地。活其毒熱之瘀。兼裏症與頭腫諸條參治。

以上頭腫諸條列之表症者。以初起言也。若見於病後。曾經汗下者。為餘邪不盡。治法則小異。大約見於初起。表邪咸實。用表散之藥為主。清裡之藥為輔。見於病後。裡邪留滯。用清裡之藥為主。表散之藥為輔。以此為權衡。思過半矣。

發黃

時發黃有四。一宿食。二畜水。三畜血。四鬱熱。當疫症初轉在表時。胸膈痞悶。目珠黃。面眞正中黃。宿食壅於胃脘也。於表裏中。加山楂神曲麥芽茱萸子。俾裡時。小便不利。腹滿而響。面目身俱黃。畜水也。四苓散。加梔子。茵陳。胸腹有軟痛處。小便自利。大便黑。而發黃者。畜血也。桃仁承氣湯。熱在下焦。大小便俱不利。而發黃者。鬱熱也。茵陳蒿湯。凡發黃必以二便為辨。二便調。屬上焦。小便不利。屬水。小便自利。而大便黑潤。屬血。大小便俱不利。屬熱鬱。乃胃熱移於膀胱。不必利其小便。但當通

其大便是以茵陳湯。有專功也。發黃當辨其色。上焦宿食發黃。只在面目。不及周身。畜水發黃。周於身。兼微黑而黯淡。瘀血發黃。亦兼微黑而潤澤。鬱熱發黃。兼赤而鮮明。此即以黃辨黃之法也。

發瘡

時疫發瘡。熱邪從皮毛出也。與汗同機。以疏散清熱為主。然與他症發瘡不同。他症或無裏熱。此則未有不裏熱者。雖以疏散為要。而見煩渴舌胎黃。則硝黃仍須兼用。他症發瘡。散而病即愈。此則有屢發而病不衰者。

他症。渴發痧。不過一二日為期。此則為期不定。治法必視裏邪解否。為用藥之準則。不可以瘳之一症為據也。

發斑

時疫發斑。邪熱出於經脉也。雖不及戰汗。亦有外解之機。治以涼血清熱為主。白虎化斑湯。吳氏舉斑湯。犀角地黃湯選用。此亦與他症發斑有異。他症發斑。一消則愈。此絕不以斑之消否為輕重。而惟以裏症為主。每上斑出。而讞妄如故。或斑出數日已消。而沉昏如故。必待裏熱全清。二便清利。而後愈。故治斑藥味。可為輔。不可

為主。發斑發疹熱皆在經而不在胃。凡遇煩躁而不渴。目赤而舌白。即是將發斑疹之候。預以清涼解表透毒之藥治之。使邪易出易淨。

以上時疫表症。皆關乎裏。不似他症。表裏兩不相關。故前列各條。皆冠以時疫二字。以明非他病之見症。不可以治他病之法治之。亦不可以此法治他病。總憑氣色神脉舌胎辨之。百不失一。是五者為辨時疫之大綱。實亦辨時疫之細目也。

瘟疫明辨卷之三

裏症

煩躁

煩乃心煩。情思不定。神一不安而形如故。躁則形擾。揚手擲足。形不寧而神復亂。如火輕而躁重也。在他証有謂煩屬心。躁屬腎者。煩屬陽。如火躁屬陰者。在時疫。擾屬鬱熱。浮淺在上。則見煩躁之形。熱深在下。則漸近昏沉而為躁。是時疫初起。可即煩躁之輕重。辨病勢傳變之輕重。不煩躁則非時疫。設氣色。神脉。舌胎。有時疫確據。亦

但表不裏之輕症。凡初起。憎寒發熱而煩躁者。邪在半表半裏。三消飲。九味羌活湯。六神通解散選用。隆冬寒甚。汗難出者。大青龍湯。葛根湯。可借用。舌胎已黃。渴而喜飲。身熱汗出而煩躁者。邪入於胃也。白虎。黃芩。三承氣。小陷胸。三黃瀉心涼膈散選用。舌胎已黑。煩躁漸溫沉昏者。邪入心包也。犀角地黃湯。加羚羊角。黃連解毒湯選用。屢經汗下清涼。裏裏俱無阻滯而煩躁者。陰液傷也。生脉散。六味地黃湯。吳氏諸養榮湯選用。或用導解。清利滋潤諸法不應。而煩躁加甚者。當細驗舌脉。

黃黑胎中夾一塊白潤。是為夾水。或平素胸有痰飲。或未病之先。曾飲冷物。或初煩躁時。過飲冷水。恣啖涼物。或用清涼太早。皆能停飲於胸膈胃脘之間。寒飲拂鬱其疫熱。外不能達表。內不能傳胃。故煩躁轉甚。驗舌之後。更細按胸膈。滿痛而軟。漉漉有聲。再細察其脉。右寸關。或弦緊。或緩。皆停水確據。當以蒼朮半夏茱朮厚朴。先消其水氣。然後治其煩躁。無不應者。不論舌胎有無黃黑。但煩躁而兼小便不利者。雖無水氣在胸膈。而少腹略有滿痛處。即當以導赤鴻心湯四本湯。猪苓湯。益

元散。利其小便。所謂心邪不從心瀉。而從小腸瀉也。

嘔

吳又可曰。時疫有始終能食者。邪不傳胃也。慎勿絕其飲食。此不嘔者也。愚嘗見時疫初起。未發熱時。表症未見。有先作嘔數日者。此疫邪先犯太陰。當辨其口氣無臭氣而不粘者。屬太陰寒症。有臭氣粘厚者。屬太陰疫症。此為先裏而後表。不可遽用清涼。閉遏邪氣。致使不能透達傳化。雖四肢有時厥逆。脉有時沉伏。亦不可用溫熱。致增嘔症。甚有舌苔沉昏者。惟當宣其胃氣。藿香

正氣散。宜若已發熱而嘔者。吳氏達原飲。加半夏。葛根。柴胡。若嘔而煩渴。身熱而不惡寒者。邪在陽明也。白虎湯。黃芩湯。並加半夏。若嘔而舌黃。胸中有滿痛處。橘皮半夏湯。加枳實。山楂。麥芽。川貝。貝母力緩。用至五錢或一兩。乃能舒鬱散結。若嘔而舌黃。心下膈上。有滿痛拒按者。大柴胡湯。若嘔而舌黃或黑。少腹有滿痛拒按。當視其前後何部不利。大便不利。調胃承氣湯。小便不利。四苓加木通。或益元散。利之則愈。寒熱已解。二便通利。胸腹無滯。而嘔不止者。餘熱在

胃也。竹葉石膏湯，屢經清下，嘔不止而舌無胎，多汗心悸。瘧倦者，中氣傷也。大半夏湯，或六君子湯，加白蔻，屢經清下，倦怠異常。四肢漸冷者，乃清下太過而中寒也。理中湯，甚至加附子。然此為治藥之法，非治疫之法也。宜詳察之。

欬

欬者，疫邪夾他邪于肺也。有初起在表，夾風邪于肺者，脉兼浮，欬多痰沫，必兼臭鳴自汗，灑淅惡寒。於透表諸方中，加前胡桔梗，蘇子杏仁淡豉，有夾水于肺者，不論

表裏。脉必兼緩。欬必多清痰。兼舌白心悸胸滿。或嘔或
吞酸。於表裏藥中。加桑皮。半夏。茯苓。川貝母。茱萸子。有
疫熱傳裏。燥火熏肺者。脉必數。欬必無痰。有痰亦難出。
而咽痛。於裏藥中。加花粉。黃芩。川貝。蔓仁。有病後陰傷。
肺燥者。脈必濡。欬必無力。舌必赤而無苔。吳氏清燥養
榮湯。加麥冬。玄參。知母。貝母。有屬陰汗下。或平素陰虛。
腎氣上逆者。欬必兼上氣。額必時赤。足脈必清瘦。脣必
散。六味加枸杞。五味牛膝。疫邪薰欬者少。即有之亦非
大有關係之症。宜以病之表裏大勢為主。加治欬藥。於

本方療之

渴

渴乃熱象。時疫為熱症。而有不渴者。蓋初起溼熱相兼。為蒸氣。熱未勝溼。則鬱悶心煩而不渴。熱已大盛。在經而不在胃。則煩躁身熱而不渴。在下而不在上。則濕結而不渴。在血分不在氣分。則沉昏而不渴。疫邪初起。表裏陰發者。胸腹滿嘔而不渴。此外無有不渴者矣。如起瘧散。加石膏葛根。或九味羌活湯。加石膏葛根半錢。平瘧。

口苦咽乾。目脹而渴。脉必數。小柴胡湯加花粉知母。或亦加石膏。或達原飲加石膏葛根。邪已入胃。作渴身熱。自汗。舌現黃胎。或醬色。或黑燥。當察其胸脇少腹。按之無痛處而渴者。為有熱無結。脉必洪。宜白虎湯。按之有痛處。為有熱有結。痛在心下。脉必滑大。關上尤甚。小柴胡湯。在脅上及當臍。關中脈必滑大。小承氣湯。在脅下尺中脈必滑大。調胃承氣湯。心下至少腹俱痛。寸關尺必皆滑大。大承氣湯。痛在左脇不可按。左關脈必弦。或瀉或芤。桃仁承氣湯。痛在右脇。不可按。右關脈必弦盛。

滑或遲。十乘湯渴而小便不利。少腹不可按。尺脈必數。
四苓散。猪苓湯。六一散。汗下後身熱已除。而渴不止。餘
邪未盡也。宜將前所用藥再作小劑以利之。屢經汗下。
渴而舌上無胎。胸腹無滿痛。心悸而煩。脈虛細。或浮數。
或滑。亡陰也。六味合生脈為主。渴與煩躁同機。而渴主
於躁。渴有喜飲。而又有喜熟飲。冷飲之分。在他症不喜
飲。及喜熟飲。則為真寒假熱。在時疫喜熟飲。多發斑疹。
不喜飲。熱在血分。真寒假熱。百不一見也。時疫初起。以
渴為機括。渴甚則熱甚。渴微則熱微。在末路。尤以渴為

有餘邪不渴為無餘邪也

口苦

熱邪在中上二焦則口苦。非特時疫為然。即感風寒暑苦亦屬少陽熱症。如時疫當惡寒發熱。表症正盛時。一見口苦。即於發表諸藥中。倍加清熱之品。輕則黃芩。重則知母。再重則石膏。不但三陽表症如此。即三陰裏症。手足冷。惡寒嘔利。胸腹滿。不渴。證狀似乎純冷無熱而一兼口苦。即當於溫燥藥中。加利熱之品。如用半夏蒼朮草果厚朴。必加木通芩澤。甚至加知母黃芩。本吳氏

達原之義。口苦為熱症的據。每遇症狀模糊。寒熱莫辨。必借此以決之。至舌胎黃黑乾燥。煩躁熱渴閉結。又清下之不可或緩者矣。

口甘

口苦口甘同為熱證。苦為燥熱。在上中二焦。多渴。屬三陽。甘為溼熱。在中下二焦。多不渴。屬三陰。蓋脾胃屬土。稼穡作甘。土邪下涉腎位。水土相蒸。甘味上溢於口。多薰嘔吐。人每誤認胃寒。而用溫中之劑。不知溼熱在於下焦。土能剋水。溫燥太過。腎水告竭。總不見熱渴諸症。

惟目不見物。漸至昏沉而死。口甘一症。在諸症初起。猶可用溫燥開導之品。而亦不宜過劑。在時疫必以清熱為主。消痰為輔。或胸中停飲太甚。亦不過加蒼朮半夏而已。如二陳去甘草。加薑汁炒山梔。薑汁炒黃連。竹茹黃芩等類。為口甘要藥。烏梅更妙。酸能勝甘。蓋五行剋制。自然之理也。或四苓散加山梔亦得。然必以時疫之大勢。為用藥之權衡。斯可矣。

唇燥

唇燥者。陽明熱也。時疫見此。當辨其色。深赤為大熱。宜

痘癆四辨 卷三
清下。淡白為亡津液。宜滋潤。色如常。為津液不流通。熱在經脈。宜葛根。

齒燥

時疫齒燥有三。輕淺者為陽明經熱。前板齒燥。身熱目疼。鼻乾不得臥。此將發斑疹。及衄血之先兆。葛根為主。黃芩知母石膏為輔。重者為胃府燥熱。通口皆燥。甚則黑如煤炭。三承氣。三黃石膏。選用。至重者為陰火煎熬。止血太甚。腎水涸竭。當峻補其陰。知母。黃柏。生地。元參。天冬。麥冬。丹皮。每味兩許。大作湯液。加童便金汁。晝夜

薰進。若藥輕治緩。則不及矣。

臭孔乾

時疫臭孔乾有四。風熱則臭鳴。荆防葛根薄荷為主。陽明經熱。則煩躁。葛根石膏為主。胃熱府症。則大渴舌黃。三黄石膏為主。亡津液。肺燥。麥冬生地五味為主。大抵風熱經熱者。十之五六。府熱亡液者。十之二三。非謂熱深而臭孔反不乾也。以煩渴大熱症見。則不覺臭孔之乾與否耳。

耳聾

耳聾者。少陽邪熱挾痰上壅也。時疫耳聾者多。蓋邪之傳變出表入裏。必干少陽。又時疫屬熱。主上升。挾痰涎濁氣上壅隧道。故耳聾也。治法以疫邪大勢為主。見於初起傳表時。於表藥中加荆防川芎。見於入裏時。於裏藥中加黃芩知母。屢經汗下。耳聾不愈。不可急治。養陰調胃為主。須待粥食如常。二便調勻。始由漸而愈也。

臭如煙煤

時疫臭如煙煤者。邪熱燶肺也。由鼻孔乾而來。急當清下。少緩則肺胃枯絕矣。三承氣合白虎。或三黃石膏加

青黛或小陷胸加犀角。或犀角大青湯。視其兼症擇所用之。

鼻孔扇張

鼻孔扇張有三。一痰壅於肺。氣出入有聲。喘欬胸滿。不渴。宜瓜萎貝母桑皮蘿子瀉肺。二氣通自愈。一鬱熱於肺。氣出入多熱。有微表東其鬱熱。古人獨主越婢湯。蓋散其外束。清其內鬱也。用於時疫中。以葛根易麻黃。或葛根黃芩黃連湯亦可。一腎氣虛而上逆。氣出入皆微。多死。此證必得之。屢經汗下。或兼多汗。心悸耳聾。急宜

大劑六味合生脉散加牛膝枸杞或可百救一二。

咽乾

咽乾者。邪熱淫於膈上也。在傷寒為少陽熱證。時疫亦然。宜黃芩甚則佐以花粉知母。

咽痛

時疫咽痛為熱淫於肺。當視其咽中有結無結。無結者微紅。以桔梗花粉黃芩元參治之。有結者紅腫。當加牛菊赤芍消其腫。結甚則起紫泡白泡。是為乳蛾。必以針刺去惡血。再服清熱之藥方妙。時疫中常有急喉風。急

喉痺二陰症。且發夕死。不可不察也。急喉風。咽痛而喘。乃痰邪夾熱上壅於肺。古方用膽礬吐其痰涎惡血。或皂角膏吐之。治之稍緩。則氣閉而死。急喉痺。即乳蛾速長。閉塞喉嚨。亦以刺去惡血為主。甚或用刀大開其膿血。此雖見於時疫中。必其人平素貪厚味。多怒鬱。肝火妄動。有以致之也。

舌燥

舌乃心苗。腎竅通其本。脾脉絡其下。時疫舌燥。由大炎土燥。中宮堵截。腎水不能上交。心火須察其胎之有無。

與色之深淺施治。白胎而燥。疫邪在表。痰已結於膈上。
吳氏達原飲加石膏川貝蘿蔔仁大黃。此吳氏名白砂胎。
熱極不變黃色。下之即黃。不可緩也。黃胎而燥。疫邪傳
胃。小承氣。小陷胸。大紫胡選用。醫色胎而燥。疫邪入胃。
深及中下二焦。調胃承氣湯。黑胎而燥。疫邪入胃至深。
傷及下焦。大承氣湯。燥成塊烈。或生芒刺。熱更甚也。大
承氣倍其分兩。大黃須兩許方妙。名燥胎。下之漸減。不
即盡淨。為藥已中病。力未到耳。當再下之。有下至三五
次。十餘次而後愈者。若屢下而燥胎愈長。不可更下。當

察其腹中。若操按作响者。痰水結於中焦。脾胃受困。津液不能上潮。改用平胃二陳溫燥之劑。即愈。又腎陰竭涸。愈下愈亡其陰。燥胎不回。目無神。耳聾。心悸。腰痠。再下必死。宜六味地黃湯。合生脈散。至無胎而燥。須辨其色。正赤或深紫。熟歸心包。血分熱極。石膏。知母。黃連。犀角。羚羊角。牛黃。為主。鮮紅。止陰。二冬。生地。元參。知母。阿膠。人參。為主。大抵舌無胎。則胃無物。可清潤。不可攻下。

舌强附舌瘻

時疫舌本強硬。為熱而兼痰。宜清下無疑。須加消痰之

藥。薰白胎者。膈間未經煎熬。其痰尚濕。佐以半夏。大柴
胡湯是也。薰黃胎者。已經煎熬。其痰漸燥。佐以川貝桔
梗。小陷胸湯是也。薰黑胎者。熱極。痰亦為火。佐以牛黃
方效。若無痰。舌色正赤。深紫裂燥而強者。熱毒蘊於心
包也。三黃石膏湯。加犀角牛黃。急清其熱。舌強雖與舌
燥相類。而燥屬胃。主熱。強屬心。主痰。又舌痿軟而枯小。
與舌強硬而不縮有異。乃虛脫已極。大補及滋潤。或百
救一二。若屢經汙下。清熱消痰。而舌強者。又當與舌燥

同治。

舌卷短

時疫之舌。一見黃胎。便當下。失下。則由黃而變醬色。燥變黑。變生芒刺。再失下。則變卷變短。為下證至急之際。宜大下屢下方。和緩則不效。

胸滿痛

時疫胸滿而不痛者。為邪未結。為無形之氣。稀薄之痰。痛而不滿者。為病在經絡。有虛有實。有虛實相兼。滿而不痛者。為邪已結。須分痰食血以施治。屬無形之氣者。按之不痛。時疫初起。邪在募原。多有此症。宜達原飲。枳

桔木香大腹皮。以開豁之。屬稀薄之痰者。時疫二三日邪在半表半裏。多有此症。宜達原飲。加半夏。茱萸子。或小柴胡湯。加茱萸子。病在經絡痛而不滿者。初起屬實。於解表藥中。加延胡烏藥。舒其經絡之氣血。病久屢經汗下。多虛。於養氣血藥中。倍當歸。更有虛中夾實者。於解表清裏藥中。加乳香。沒藥最妙。滿而痛不可按者。邪已結矣。痰結者。牽引串痛。魚呴。小陷胸湯。大柴胡湯。或二方合用。甚則大陷胸湯。大陷胸圓。食結者。硬痛成塊。不可按。多在心下。宜平胃散。加枳實。蘇子。茱萸子。白芥子。

亦有在膈上者。為危症。嘔吐之。宜瓜蒂散。此二者。不可便下。須待其轉動。方可下之。蓋結在上焦。屬氣分。下之太急。則氣逆。嘔吐。外用按揉之法。為妙。血結者。不可按。按之軟。脉芤。瀦弦。宜於解表清裏藥中。加桃仁紅花三七。歸尾。甚則桃仁承氣湯。時疫多實多熱。至胸膈滿痛。又屬實邪。非虛症。惟是屢經攻下。胸痛更甚者。乃脾胃兩虛。下氣上逆。宜溫理脾胃。以建中鎮安之。甚則導火歸元。納氣歸腎皆可。然不多見。須消息斟酌。不可輕試。

脇滿痛

脇滿痛與胸滿痛同。而微有不同者。胃滿痛。有宿食為病。脇滿痛。無宿食為病。乃亦有因宿食在胸腹。而滿痛及脇者。時疫脇滿痛。是痰氣血三者為病。其中亦有滿而不痛。之而不滿。之痛並作之分。其滿而不痛者。募原之邪。未經傳變。宜達原飲。兼寒熱往來者。大柴胡湯。痛而不滿者。邪分布於少陽之經。宜小柴胡湯。滿痛並甚者。當分左右。左屬血。小柴胡去人參。加延胡。歸尾。紅棗。桃仁。甚者加莪朢三稜。三七。五靈脂。右屬痰與氣。痰火。柴胡。倍半夏。加牡蠣。茱萸子。甚則白芥子。甘遂。大黃。

花氣加青艾葉菔子木香大腹皮。痰與氣痛皆無害。而有聚散。痰散仍有所苦。氣散則無所苦。若屬經汗下清利。而脇痛更甚者。虛證也。氣虛必嘔利。養氣為主。血虛必煩熱。養血為主。此亦十中一二。腸痛與胸腹痛不同。胸腹臂之衝衢。塞不能久。脇則臂之僻巷。塞則難開。用藥須明此意。時波腸痛。雖有痰氣血之殊。而總不離乎熱。黃芩是為主藥。若別有熱症者。黃連山梔又所必需。他病腸痛。有寒有熱。不在此例。

腹滿痛

時疫腹滿痛。屬宿食為邪熱所結者。十之七八。屬氣血
痰水者。十之二三。蓋腹為胃與小腸之正界。非胸腸少
煦之地可比。腹滿而不痛者。屬邪在氣分。屬水穀散漫
而未燥結。氣分脉多沉。或弦。水穀脈滑。氣分通腹皆滿。
水穀滿有分界。氣分者。厚朴。大腹皮。青皮。陳皮。枳桔。為
主。水穀者。半夏。山楂。麥芽。神曲。茱萸子。枳實。為主。時疫
為熱症。腹滿亦當清熱。兼以順氣消食可也。若舌多黃
胎。雖滿而不痛。為邪已傳胃。宜小承氣湯下之。痛而不
滿者。屬邪在血分。屬水穀燥結諸病。他病或有屬冷者。

時疫總屬熱症。痛不可按而無硬處者。於清裏方中加白芍。不可按而有硬處者。調胃承氣湯。滿痛兼作。為病滿。在氣。燥實在血。大實大熱之症。大承氣湯。諸病腹滿痛。或兼自利。當責之虛冷。時疫自利。屬熱結旁流。下之則止。不可疑為虛冷。若滿痛而喜燥喜溫。或惡寒。手足冷。清利之益甚。或右關遲緊。此非本病。乃因煩渴飲冷太過。或用清涼太過。太早之所致。又當以溫燥為主。不可執一。然此亦治藥弊。非治本病也。

少腹滿痛

時疫少腹滿痛。為邪熱結於下焦。下焦乃大腸膀胱。及厥陰分界。與中焦異。亦有滿而不痛。而不滿。而痛。兼作之不同。初起滿而不痛者。手不可近。熱傷厥陰血分也。黃芩以清熱。赤芍歸尾以活血。柴胡以升厥陰之氣。若卒引陰器。及兩膝夾縫者。加秦艽即愈。滿痛兼作者。不論初起末後。當視其前後。在前小水不利。蓄水也。四苓猪苓益元等方選用。在後大便不利。有燥矢也。三承氣選用。小便利而大便色黑者。畜血也。抵當湯。桃仁承氣湯。

選用。以大小便之通塞為辨。固矣。亦當細察其溼癟而
有硬塊不可挾者。屬燥矣。滿痛如鼓不可按而却無聲者。
屬溺畜脾中。滿痛拒按而軟者。屬畜血。以此辨之。一
然矣。外有時疫末路。滿而不痛。而不滿。喜溫喜按者。
為虛證。當細詢來路。若屢經清下太過。當消息溫補。以
培養陰陽。不可執時疫為實邪熱證。而不變通也。然此
亦十中一見耳。

右滿痛諸症。乃時疫裏症之大端。總屬熱邪內陷。在
風寒暑溼諸門。則寒熱虛實俱有。在時疫已經傳變。

見於煩渴燥熱既顯之後。其為熱症易辨。若見於未經傳變之先。乃疫毒鬱而未發。多不渴。多不發熱。甚有手足反厥冷者。依風寒治。則當溫。依時疫治。則當清。毫釐千里。反掌生死。當於氣色神脈舌胎五者。細察而詳辨之。

自利

時疫自利。皆熱症也。其所利之物。與內虛內冷者自別。冷利之色淡白。熱利之色正黃。甚有深黃膿色者。冷利稀薄。熱利稠粘。虛冷利。散而不臭。熱利臭而多沫。虛冷

易出。熱症努圓。冷利緩。熱利暴注下迫而裏急。此辨時疫熱利與諸冷利之大槩訖。時疫初起。有手足厥冷。惡寒。嘔吐。腹痛自利者。全似太陰寒症。辨其為疫。只在口中穢氣作黏。舌上白胎粗厚。小便黃。神情煩躁。即可知其非寒中太陰。是時疫發於太陰也。煩躁輕。則藿香正氣散。煩躁甚。則用達原飲。一二服後。即見三陽熱症矣。此時若用溫中藥。轉見四肢逆冷。手足青紫而死。不可不細察也。時疫初起。頭疼發熱而自利。九味羌活湯。傳變太陽少陽合病。身熱口苦。咽乾目眩而自利者。黃芩

湯兼嘔加半夏傳裏舌黃讞妄而自利者。按其心下至少腹有硬痛處與大承氣湯無硬痛處。小承氣小陷胸大柴胡選用。此在下其熱不必以結為主。故雖無硬痛亦主大黃。時疫自利而小便不利。腹滿而無硬塊。時作腸鳴者。熱在小腸膀胱而畜水也。四苓散。猪苓湯益元散選用。時疫自利受補者少。至屢經清下。無表裏證。自利漸至清穀。而脈微細者。則六君子湯。補中益氣湯。理中湯。又所當酌用也。

便血

時疫便血熱邪深入也。先當辨其血色。鮮紅者清熱為
主。黃芩湯。三黃石膏湯。犀角地黃湯。血色紫黯成塊下
者。逐瘀為主。桃仁承氣湯。抵當湯。須按腹脇有痛處用
之為確。時疫便血散晦夾涎水者。脾胃虛而臟府傷也。
歸脾補中八珍可借用。並加烏梅。時疫便血之後。多生
陰症。神昏耳聾。舌無胎而燥。身痛不可轉側之類。皆是
生脈六味加阿膠。峻補其陰。然多不救也。

便膿血

時疫便膿血。與便血有燥濕之分。便血屬燥熱涼潤為

主便膿血。脣溼熱清熱兼分利為主。時疫初起頭痛發熱便膿血者即古所謂疫癧是也不必治膿血但解其表。解則便數自減決不可早施清裏攻下之藥即分利清涼亦所當慎。蓋邪方在表清裏邪則內陷深入後極難治。且時疫一見便膿血則煩渴之熱勢乃緩蓋熱隨利減也。所以苦寒之品不可浪用惟以芩廩湯為主詳見夾痢條下。時疫傳變至半表半裏便膿血者柴葛解肌湯加芩澤木通黃芩時疫傳變入裏煩渴譏妄悉具而便膿血者黃芩湯葛根芩連湯選用兼裏急後重。

腹中拒按者加檳榔大黃。時疫壓絏攻下而便腥血滑精者，當以養中調氣養血為主。清熱為佐。老人虛人亦倣此例。

大便閉

時疫屬溼熱。太便閉者少。間有閉者。乃平素胃陽強盛。多燥氣也。夫本來陽盛。復受時疫。則溼熱皆變為燥熱。雖兼表症。未得汗。可下。以時疫與傷寒不同。傷寒邪從表入。有表證未得汗。必不可攻裡。時疫邪從內發。雖有表證。每發表而不得汗。必待裏氣通。而後表始得汗。

所以時疫大便一閉，即有表證。亦當下之。不可遂巡也。
若初起未經表散，則當用三消飲下之為當。有表證尚
可下。則煩渴謾妄，舌胎黃黑，燥烈卷短，胸腹硬痛諸症
備見。更當分別輕重下之無疑。又有大便閉，而屢下不
通者。則必有水邪。當審之。有夾水者，水在腸中。則不下
而自利。水在胃脘以上。則脉多弦多緩。往往上嘔而不
下利。且舌白。而心下按之作響。雖用承氣不能下行。故
下之不通。當先用半夏茯苓蒼术消其水。而後下之。亦
有可用大陷胸湯者。必胸上痛而手不可近。方為藥與

邪敵。有夾氣者。氣滯於胸膈之間。主上逆而不下降。胸腹串痛。而脈沉。當先以蘇子葉。菔子。木香。檳榔。順其氣而後下之。有氣虛而屢下不通者。屬老人虛人。其脉必兼無力。其色必悴。其肌肉必緩。其神必散。若下症全具。當與大承氣加人參。一服而宿垢頓下。或陶氏黃龍湯。或麻仁丸。參湯下。酌其裏症之多寡用之。有血虛而屢下不通者。屬婦人產後。癰疽潰後。或平素陰虛。及止血。其脉必兼濇。四物六味生脈。及吳氏諸養榮方。麻仁丸選用。仍須蜜煎猪膽汁導之。大凡時疫。大便一閉。即當

下之。然須詢其有無所苦。若無所苦。下尚可緩。有所苦而下之不通。又須察有無夾邪及虛也。當下者十之五。可緩者十之三。夾邪者十之一耳。時疫如此。他病則不然。古語云。傷寒下不厭遲。時疫下不厭早。誠哉斯言也。

小便不利

時疫初起在表時。頭痛發熱。小便不利者。熱入膀胱也。益元散主之。四苓散。猪苓湯皆可用。東垣云。小便不利而渴者。熱在上。焦法當淡滲。小便不利而不渴者。熱在下。焦法當苦寒。此可為據。時疫傳裏。大便閉而小便不

利者當先通大便。大便通小便自利。此惟時疫為然。他病則否。時疫屢經汗下。小便不利者陰竭也。為難治。知母黃柏生地麥冬之類治之。或生脉六味皆可。然多至少腹如鼓而不救也。凡小便不利日久下闊不通必反於上。往往有嘔吐逆滯不能下咽。至湯藥不進者。當用敷臍法。大田螺一枚搗爛入麝香三釐敷臍上帛束之即通。一見點滴即受湯藥。古法有用葱熨及井底泥敷少腹者俱可參用。但不宜於陰竭之虛人耳。

小便黃赤黑

時疫未傳變時。小便多如常。熱一傳入裏則黃。熱甚則赤。熱入血分畜血則黑。小便可驗裏熱之有無。深淺多寡。但不可以作專症。疫邪在表。小便黃。即於解表中加清涼藥。邪入裏。小便黃赤。雖手足逆冷。亦當攻裏。逐熱疫邪已退。表裏俱和。小便黃赤未退。仍當清利餘邪。惟小便黑者。當逐瘀清熱為主。犀角地黃湯。加大黃等類。有屢經汗下。清涼太過。表裏俱無熱邪。而滑瀉腹痛。小便黃赤者。當理脾升陽為主。亦治藥非治病也。

小便多

時疫為溼熱，小便多者甚少。傳裏之後，或有小便多者，乃胃土變為燥熱也。急下之，屢經下後，小便多者，氣虛也。益氣升陽為主。亦有腎虛而小便多者，六味地黃湯加五味子，大抵未下之先，小便多者，屬燥熱，小便必微黃，必煩熱渴而喜飲。既下之後，小便多者，屬虛，氣虛則不喜飲，而亦脈不及尺，浮不及沉。陰虛則喜飲，而尺脉不爻，寸沉不及浮。失治日久，則蒙消渴。時疫小便多者如此。若夫風寒小便多，則屬陽虛，不在此例。

遺尿

時疫初起遺尿者多屬三陽合病。蓋邪入於陽則陽實而陰虛。熱盛於表。裏為之不守。又神昏於上。不自知其下部之出入。故遺尿也。合之腹滿身重。口不仁而面垢。讝語。仲景獨主白虎湯。此症不可下。以邪全盛在表。在經。下之則表邪內陷。故頰上生汗。手足逆冷。尤不可汗。以邪未屬熱。汗之則愈增其熱。故心憤。反作讐語。惟以白虎湯清其浮越之熱。若別兼燥結鞭痛者。可於本湯內加大黃下之。

囊縮

時疫囊縮。乃熱入於厥陰也。有結有熱則下。有熱無結則清。熱退而囊自緩矣。陰症囊縮與時疫頗相類。以陰症囊縮必身冷。厥逆。脈沉。時疫囊縮亦身冷。厥逆。脈沉也。然一寒一熱。自有不同。陰症囊縮。陰莖痿縮。或全縮入腹。有如婦人。時疫熱厥囊縮。陰莖如常。再以兼症辨之。陰症囊縮。小便清。少腹牽引作痛而不滿。喜溫按。多有利。神清不煩。時疫囊縮。小便赤。少腹滿而硬痛拒按。大便秘。煩而神昏。

多言

時疫多言者。讞語之漸也。疫熱蒸心之所致。治同讞語。

讞語

讞語者。熱蒸心也。時疫一見讞語。即當清熱。然有經熱蒸心而讞語者。邪在三陽。表症多有之。脉浮大。頭痛發熱舌白者是。吳氏三消飲最當。六神通解散。九味羌活湯。防風通聖散。白虎湯。梔子豉湯。皆可選用。有膈熱蒸心而讞語者。脈洪。身熱。汗出。不惡寒。反惡熱。胸中無結者是。白虎湯。黃芩湯選用。有痰涎搏結其熱。聚於中上二焦。而讞語者。脉弦滑。胸痛及心下痛拒按者是。小陷

胸湯。大柴胡湯選用。有胃熱蒸心而讝語者。脈滑實舌黃夏黑。及燥。及芒刺。腹滿拒按者是。三承氣湯選用。輕者只用平胃散。加山楂麥芽蘿蔔子即效。有熱入血分而畜血。之熱蒸心而讝語者。脈沉結。或濁。心下至少腹。凡有痛處拒按而軟者。是犀角地黃湯。桃仁承氣湯。抵當湯選用。有熱入小腸膀胱。畜水之熱。上蒸心而讝語者。脈浮數。少腹滿。小便不利者是。四苓散。猪苓湯。益元散選用。以上皆實症讝語也。至若屢經汗下清理。二便已清利。胸腹無阻滯。六脈虛散結代微弱。而讝語者。

陰陽兩虛。神無所倚也。虛在上焦。必心悸。神倦。生脈散。
加棗仁。天王補心丹。虛在中焦。必面色痿黃。四肢倦怠。
歸脾湯。虛在下焦。必耳聾目直視。六味地黃湯。加速志
五味龍骨茯神。

狂

時疫發狂者。譏語之甚者也。亦疫熱蒸心之所致。治同
譏語。

善忘

時疫善忘者。畜血之所致也。畜血在上焦。其脉芤。胸前

及心下必痛。必拒按而軟。犀角地黃湯主之。畜血在中焦。其脉或芤。或弦。或濶。兩脇及臍上必有痛處。拒按而軟。桃仁承氣湯主之。畜血在下焦。其脈多沉結。臍下必有痛處。拒按而軟。抵當湯主之。善忘雖為畜血主症。然必驗之大小便。尿雖梗。大便反易。其色必黑。小便自利。方為畜血之的證。否則。仍當參之。多言譖狂。諸法治之。

沉昏

時疫沉昏。熱入至深。極陰症也。蓋熱初蒸及心之經。則心神不安。多夢囁。醒時自清。蒸心之經漸深。則心神漸

煩多言。所言皆日用當行之事。無糊塗語。蒸及心包。則精神間有昏處。多言間有糊塗語。猶清白語居多。迨蒸心包漸深。則心神昏處居多。言多妄見妄聞。甚至疑鬼疑神。非人所見聞者。猶省人語也。至熱直入心臟。則沉昏全不省人事矣。此熱入淺深之次第。見證輕重之辨也。所以多言譏語。熱之浮淺者。施芩知膏可解。發狂。熱之深結者。硝黃可解。至沉昏。熱之至深者。非犀角、黃連、羚羊角、牛黃。莫能解也。沉昏雖係熱深。更有夫痰氣。夾胃結。天血結之分。胸滿舌白。係夾痰氣。當加川貝瓜蔴。

半夏藥菔子於犀連諸藥中舌黃及燥黑腹滿便痛者
當加犀連於三承氣湯中痛而軟者畜血加桃仁丹皮
赤芍於犀連華中治昏沉之大法備矣以上皆實症更
有虛症亦所當知犀經汗下清利之後未裏無熱胸腹
無溫二便自利而神情由倦而漸昏由昏而漸沉乃大
虛之危症大劑生脉散加桂附芪朮苓芍姜散其陽
亦不遠矣

循衣摸牀撮空

時疫循衣摸牀撮空者此甚盛神昏而四肢實也當察其

舌苔胎白或無苔有熱無結也犀角黃連石膏為主

有燥胎或黃黑燥裂芒刺有熱有結也大黃芒硝為主
虛經汗下後胸膈仍有拒痛者邪未盡也仍宜清利無
拒痛者陰虛陽亢也生地麥冬棗仁茯神安神為主

多睡

疫症初起多睡兼身重者熱邪阻滯其經脈必有汗白
虎湯無汗或加麻黃虛經汗下後表裏熱愈甚二便俱
利而身痛多睡者陰傷也四物六味生脈三方全用大
劑養陰方效失治即危服此數劑身痛已和表裏熱退

而仍多睡者。於三方中加生棗仁即愈。若夫平素脾虛多睡。多瘦嗜睡者。一受疫症。必更嗜睡。當於時疫藥中。參之以理脾消痰之品。

身冷

諸病身冷。皆屬陰症。在時疫多屬熱症。須泛氣色。脉舌胎中辨其端倪。果係時疫。則當分初中末以治之。不可紊也。時疫初起。往往有身冷自利。腹痛作嘔。全似陰症者。若舌有厚白胎。身有穢氣。心煩多汗。面色油垢。小便黃短數。有一二證現。便是疫邪。直入太陰。先裏後表。

非真陰寒症。兼嘔利。藿香正氣散。四芩散。無嘔利。達原
飲。服一二劑後。即發熱矣。時疫傳變。發熱之後。讓妄沉
昏。舌燥。腹滿。便秘。而身冷者。先表後裏症。三承氣大柴
胡湯。用無結症者。白虎湯。時疫末路。屢經汙下。表裏無
邪。胸腹無滯。二便自和。而身冷者。當以脉為主。脉虛細
不振者。用藥太過。而成脫症也。急宜溫補。少緩即死。生
脉散。加苡木苓芍。平補陰陽。冷甚者。加熟附子。時疫身
冷一症。最難下手。初起時。若寒熱不辨。且勿妄投湯劑。
當少待之。多則一二日。少則半日。多有自行傳變。即發

熱煩渴者。此時則易於用藥。若已經發熱傳變之後。變為身冷。則自有口燥舌乾。不得卧諸症在。此時藥不可緩。則熱深厥深。雖下後厥回往。亡陰而死。身冷與惡寒不同。而病機頗同。當與惡寒條參看。

呃逆

時疫呃逆。與傷寒不同。傷寒呃逆。虛實寒熱俱有。時疫呃逆。惟熱結下焦而已。凡見呃逆。即當下之。下之不止。按其臍腹有硬痛拒按處。仍當下之。有下至十數次方止者。終之逐盡結熱。腸胃通達。其呃自止。慎不可用丁

香柿蒂湯治呃而遺結熱致成危證也。

吐衄

傷寒吐衄多寒熱錯雜時疫吐衄則有熱無寒治此症之當汗當清當下一以傳變之大勢為主惟加烏梅黃連以安之慎勿用烏梅圓中諸辛熱藥致成危篤也。